

**Convenio de colaboración entre o Parlamento de Galicia e a Real Academia de Medicina e Cirurxía de Galicia para a organización do ciclo de Conferencias "A lexislación sanitaria galega durante os últimos anos. Beneficios para os usuarios"**

### REUNIDOS

O **Excmo. Sr. D. Miguel Ángel Santalices Vieira**, na súa condición de presidente do Parlamento de Galicia, actuando ao abeiro das facultades que lle confire o artigo 31.1 do Regulamento da Cámara do Parlamento de Galicia.

**D. José Carro Otero**, presidente da Real Academia de Medicina e Cirurxía de Galicia, actuando ao abeiro das facultades outorgadas polo artigo 37 dos Estatutos da entidade.

Ambas partes recoñecen a súa competencia e capacidade para formalizar o presente CONVENIO DE COLABORACIÓN, e para tales efectos,

### EXPONENTE

**Primeiro.** O Parlamento de Galicia está comprometido coa protección e promoción da cultura e da vida política e social galega en todos os planos da vida pública e cultural; para dar cumprimento a este compromiso quere seguir contribuíndo a facilitar o seu coñecemento, promoción, arraigo e consolidación, dispoñendo, para tal fin, e na medida das súas posibilidades, dos medios que sexan necesarios e eficaces para conseguilo.

O ciclo de conferencias da Real Academia "A lexislación sanitaria galega durante os últimos anos. Beneficios para os usuarios", permite achegar aos universitarios galegos, aos profesionais sanitarios e aos cidadáns en xeral, a fecunda e prolixa lexislación sanitaria emanada do propio Parlamento de Galicia, sobre un asunto, ademais, de vital importancia e innegable interese cidadán, ao que a Comunidade Autónoma dedica continuadamente desde hai anos gran parte dos seus esforzos orzamentarios.

**Segundo.** A Real Academia de Medicina e Cirurxía de Galicia (Q1568005A), foi creada en 1827 mediante Real Decreto de 28 de agosto como Real Academia de Medicina e Cirurxía de Santiago de Compostela e Asturias, e sede en Santiago de Compostela, cos obxectivos de impartir ensinos, estimular a investigación, publicar traballos científicos, conformar unha biblioteca propia, asesorar a xuíces e control de titulacións e do intrusismo.

Con sede en A Coruña desde 1833, circunscrita a Galicia desde 1972, e transferida a Galicia e adscrita á Consellería de Sanidade desde 2003, segue desenvolver labores de asesoramento a Administracións e entidade privadas, fomentando a investigación e a docencia da ciencia médica e, en xeral impulsando e desenvolvendo programas de fomento da medicina en Galicia.

Precisamente con esta finalidade a Real Academia esta a organizar diversas actividades divulgativas, e propone desenvolver, entre outras, un ciclo de conferencias que sirvan para achegar á ciudadanía diversos aspectos médicos derivados da lexislación sanitaria galega.

**Terceiro.** Na memoria que consta no expediente, xustifícase o carácter excepcional e a concesión directa de subvención no indubidable interese social e humanitario que supón o coñecemento da normativa sanitaria de Galicia para unha poboación con cada vez maior calidade e esperanza de vida.

Tendo mutuo interese ambas partes na difusión deste ciclo de conferencias, as partes acordan asinar este Convenio de colaboración que se rexerá polas seguintes

## CLÁUSULAS

### Primeira. Obxecto do convenio

Este convenio ter por obxecto establecer os mecanismos de colaboración entre o Parlamento de Galicia e a Real Academia de Medicina e Cirurxía de Galicia, para a organización dun ciclo de conferencias, co obxectivo de achegar á cidadanía a lexislación sanitaria de Galicia e os beneficios derivados de tales leis.

O ciclo de conferencias titúlase: "*A lexislación sanitaria galega durante os últimos anos. Beneficios para os usuarios*" e desenvolverase no primeiro semestre de 2018.

### Segunda. Declaracións e Obrigas das partes

A) A Real Academia de Medicina e Cirurxía de Galicia declara:

- 1º. Que non esta incursa en ningún dos supostos de prohibición do artigo 13 da lei 38/2003 nin do artigo 10 da lei 9/2007 de subvencións de Galicia
- 2º. Que non solicitou nin obtivo outras axudas ou ingresos para a mesma actuación obxecto do convenio, e que se compromete a dar conta ao Parlamento de variar estas circunstancias.
- 3º. Que se atopa ao día das obrigas tributarias e coa Seguridade Social
- 4º. Que cumplirá cos termos do convenio xustificando o importe da achega no prazo e coa documentación seguinte que remitirá ao Parlamento de Galicia:
  - Memoria da actuación xustificativa con indicación das actividades finalmente realizadas e dos resultados obtidos (participación, etc)
  - Relación clasificada dos gastos executados: con identificación do acreedor e do documento, o seu importe, data de emisión e data de pago, xunto con copia das facturas e dos abonos vía transferencia (en calquera caso as de importe superior a 1.000,00 € bastando para as de contía inferior o recibí do preceptor se o pago foi en metálico, con indicación do DNI, sinatura e nome e apelidos deste).

O período subvencionado, coincidindo coas datas de impartición do ciclo, estendese ata o 30/06/2018, sen prexuízo de que poidan efectuarse pagos ata a data de achega de documentación indicada contra o final deste apartado.

- Certificados de estar ao corrente coas obrigas tributarias e coa Seguridade Social.
- Certificación acreditativa do representante legal da entidade do importe das axudas solicitadas e/ou percibidas para esta actividade.

Esta axuda é incompatible con outras axudas para esta actuación concreta se ben en ningún caso poderá ser superior a contía, illadamente ou en concorrencia, do custo total dos gastos subvencionados.

- Declaración asinada polo representante legal da entidade, de que esta non deduce nin compensa o IVA dos suministracións ou servizos que solicita.
- Acreditación da publicidade da achega do Parlamento (fotografías, dípticos, web...)
- Certificado da conta bancaria a nome da entidade en que efectuar o pagamento.

O prazo para a achega de toda a documentación remata o 31 de xullo de 2018.

B) A Real Academia de Medicina e Cirurxía de Galicia asumirá a organización das conferencias, e o Parlamento de Galicia colaborará no custe da súa organización ao abeiro da normativa aplicable en materia de subvencións, nos termos da cláusula seguinte.

O Parlamento de Galicia non asumirá, por motivo deste Convenio, ningún tipo de relación mercantil ou contractual coas persoas que participen na organización e desenvolvemento das conferencias, nin dos seus participantes, moderadores ou relatores, que corresponderán enteiramente á Real Academia de Medicina e Cirurxía de Galicia.

### Terceira . Financiamento

A organización e celebración das conferencias teñen un orzamento estimado de 17.850,00 €, financiando o Parlamento ata o 100% das actuacións coa limitación do dito importe como orzamento máximo, con cargo á aplicación orzamentaria 01.01.111B. 481.05 do exercizo 2017.

Son gastos subvencionables aqueles que se recollen dentro da proxección de gastos prevista como: gastos de imprenta, abono charlas aos poñentes, desprazamentos, material audiovisual, secretaría organizativa, e outros de material de oficina e similares.

A Real Academia de Medicina e Cirurxía de Galicia ten solicitado o pago anticipado da achega con exoneración da prestación da garantía baseándose no carácter formativo e altruista do obxecto do convenio amén da falta de medios financeiros para levala a cabo, o que se estima factible por tratarse dunha subvención por importe inferior a 18.000€ ( artigo 65.4º letra i. do Decreto 11/2009, do 8 de xaneiro polo que se aproba o Regulamento da Lei 9/2007, do 13 de xuño, de subvencións de Galicia).

Considerase que concorren os condicionantes para ser abonada con carácter prepagable ata o 80% do importe ao abeiro dos artigos 62.2. e 63.1.un do Decreto 11/2009, do 8 de xaneiro polo que se aproba o Regulamento da Lei 9/2007, do 13 de xuño, de subvencións de Galicia. O pago a conta materializarse na conta bancaria da entidade.

A entidade comprométese coa sinatura deste convenio a acreditar os gastos realizados e presentar en tempo e forma a documentación xustificativa da súa realización e pagamento, que será obxecto de control financeiro e aprobarase, previo informe da Intervención, mediante Resolución da Presidencia.

De ser aprobada a conta xustificativa pola totalidade do orzamento previsto, abonarase entón á entidade o 20% restante.

O incumplimento da obriga de xustificar o gasto total ou parcial subvencionado dará lugar á perda da subvención concedida na parte non xustificada proporcionalmente. De non xustificarse axeitadamente seguirase o procedemento establecido no artigo 42 da lei xeral de subvencións.

### Cuarta. Duración

Este Convenio estará vixente desde a súa formalización ata o tempo necesario para a celebración das conferencias, cuxo remate se prevé para o 30 de xuño de 2018; sendo posterior a fiscalización e abono da achega, que en todo caso non poderá estenderse máis alá do 31 de outubro de 2018.

O Convenio poderá ser prorrogado se por calquera motivo resulta necesario estender a duración inicialmente prevista, sen que en ningún caso esta circunstancia poida implicar

modificación do orzamento, nin polo tanto da aportación realizada polo Parlamento. Neste caso, incorporarase ao Convenio unha addenda coa prórroga aprobada.

O convenio extinguirase polo cumprimento do seu obxecto ou por incorrer en algunhas das causas de resolución da cláusula oitava.

#### **Quinta .- Difusión da colaboración das partes**

Nas actividades informativas e divulgativas das conferencias obxecto deste convenio farase constar a colaboración das partes e utilizaranse, cando proceda, a identidade corporativa de cada unha das Institucións.

A sinatura deste Convenio supón o consentimento expreso de ámbalas partes para facer públicos a través dos diarios oficiais que procedan e das respectivas webs, os datos referidos ao seu contido de conformidade coa normativa sobre transparencia e boas prácticas que sexa de aplicación a cada unha delas.

#### **Sexta. Comisión de Seguimiento**

Coa finalidade de asegurar o cumprimento deste Convenio, crearáse unha comisión de seguimento composta por un representante de cada unha das Institucións, que coordinará o seu desenvolvemento e estará facultada para resolver cantas dúbidas puidesen xurdir na súa execución; poderá estar asistida polos técnicos que xulguen necesarios.

Os acordos adoptados pola Comisión serán inmediatamente executivos.

Terá, ademais, as seguintes funcións:

— A interpretación do convenio.

— A proposta de addendas ou modificacións.

- Informe previo á resolución por incumprimento.
- Facultades de supervisión da execución e adopción das decisións e ditado das instrucións necesarias co fin de salvagardar a correcta realización das actividades acordadas.
- Calquera outra relacionada co bo funcionamento deste Convenio.

#### **Sétima.- Modificación**

As partes ou a comisión de seguimento poderán instar a modificación deste Convenio en calquera momento. Mediante addenda achegarase as modificacións sobre o seu contido acordado pola partes.

As propostas de modificación deberán ser comunicadas por escrito cunha antelación dun mes.

#### **Oitava. Resolución.**

Serán causas de resolución deste convenio:

- O transcurso do seu prazo de vixencia sen terse acordado a súa prórroga.
- O mutuo acordo entre as partes.
- A denuncia de calquera das partes, formulada cun mes de antelación e por causas xustificables.
- O incumprimento total ou parcial das cláusulas contidas neste convenio.
- Por decisión xudicial declaratoria da nulidade do convenio.



**Novena. Réxime xurídico.**

Este convenio ten natureza administrativa e rexerase pola Lei 40/2015, do 1 de outubro, de réxime xurídico do sector público; e as cuestións litixiosas que poidan xurdir na interpretación e cumprimento do presente convenio de colaboración serán de coñecemento e competencia da orde xurisdiccional do contencioso-administrativo.

Asemade rexerase pola normativa aplicable en materia de subvencións.

En proba de conformidade asínase este convenio por triplicado en Santiago de Compostela o 29 de decembro de 2017.

  
**Excmo. Sr. D. Miguel Ángel Santalices Vieira,**  
presidente do Parlamento de Galicia.

PARLAMENTO  
DE GALICIA

  
**D. José Carro Otero**, presidente da Real  
Academia de Medicina e Cirurxía de Galicia

